



7 Mei 2024

9(2)a

Tēnā koe 9(2)a,

Tēnā koe i tō Īmēra i te 8 o Āperira i te tau 2024 e tono ana i tēnei e whai ake nei i raro i te Official Information Act 1982 (te Ture):

*Kāore e kore, ka āraihia e koutou i ngā ingoa o taua pakihi. Erangi, ka ahei tonu te whakamohiomai:*

- *Āhea koutou ko ngā pakihi rā i tīmata te whakawhiti kōrero i runga i tēnei kaupapa?*
- *He aha te whānuitanga o aua kōrero? Arā:*
  - *Tokohia rā ngā pakihi kua whakī atu mō te kaupapa nei;*
  - *He aha ngā āhuatanga o aua whakawhitinga kōrero? (E hia ngā hui ā-kanohi, e hia ngā ĩmerā – te mea te mea – ki waenga i ngā pakihi rā)*

*Ehara i te mea, me whakamōhio mai te ngako o te kōrero – Erangi ki a mōhio mai, te whānuitanga o aua whakawhitinga kōrero.*

E whai whakaarohia ana te Fast Track Approvals Bill (te Pire) e te Komiti Taiao whai muri i tana whakaurunga atu ki te Whare Pāremata i te 7 o Māehe i te tau 2024. Kāore i te whai wāhi i roto i te Pire ngā kaupapa ka whakarārangihia i raro i ngā Āpiti 2A me 2B.

Kua whakatūria e te Kāwanatanga tētahi tukanga mā ngā tāngata hei tautapa i ngā kaupapa hei whakaurunga atu ki te Pire. Mā tētahi rōpū o ngā mātanga motuhake (te Fast-track Advisory Group) e arotake, e tuku taunaki ki ngā Minita hoki mō ngā kaupapa e tika ana hei whakaurunga atu ki te Pire. Ko ngā kaupapa ka tīpakohia mai i ēnei taunakitanga ka tāpirihia atu ki te Pire ā roto i te tukanga a te Whare Pāremata e tū mai nei.

I pānuitia tētahi tukanga mō te whiwhi i te tautapanga o ngā kaupapa hei whakaurunga atu ki te Pire i te 3 o Āperira i te tau 2024, ā, i kati i te 3 o Mei i te tau 2024. Ka kitea he mōhiohio mō te tukanga e whāia nei ki te pae tukutuku a Manatū Mō Te Taiao, ki: <https://consult.environment.govt.nz/resource-management/fast-track-consenting/>

Kāore anō te Manatū kia hui tahi ki ngā kaitono pea e pā ana ki ngā kaupapa ka whakaurua atu ki te Pire. Ka taea e au te whakamōhio atu i riro tōtika mai i a mātou te Īmēra kotahi mai i tētahi kaitono pea i te 8 o Pēpuere i te tau 2024 (i mua i te whakatūnga mai o te tukanga mō te tautapanga o ngā kaupapa hei whakaurunga atu ki te Pire) e whakapuaki ana i te hiahia ki te tukanga tautapa.

I te 19 o Āperira i te tau 2024, i wetekina e Minita Bishop tētahi rārangi o ngā whakahaere i riro i a rātou tētahi reta nāna mō te tukanga o ngā tono Fast-track. He reta whakamōhio tēnei i tukuna ai ngā kaitono pea ki te puka tono ā-ipurangi a te Manatū. E wātea mai ana ētahi atu

mōhiohio mō tēnei rārangi me ngā tārua o ngā reta ki te pae tukutuku a te Whare Mīere ki: <https://www.beehive.govt.nz/release/minister-releases-fast-track-stakeholder-list>

Kei a koe te tika ki te tono i tētahi whakatewhatewha me te arotake mā te Tari o te Kaitiaki Mana Tangata mō taku whakatau e hāngai ana ki tēnei tono, e ai ki te wāhanga 28(3) o te Ture. Ka kitea ngā taipitopito e hāngai ana ki tā rātou pae tukutuku ki: [www.ombudsman.parliament.nz](http://www.ombudsman.parliament.nz).

Kia mōhio mai koe i runga i te pānga tūmatanui ki ā mātou mahi ka whakaputaina e te Manatū Mō Te Taiao ngā urupare ki ngā tono ki te mōhiohio ōkawa ki tā mātou whārangi [OIA responses page](#) ā muri tata iho i te tukunga atu o te urupare. Mēnā he pātai āu e pā ana ki tēnei, tēnā whakapā mai ki tō mātou rōpū Ministerial Services: [ministerials@mfe.govt.nz](mailto:ministerials@mfe.govt.nz).

Nāku noa, nā,



**Stephanie Frame,**  
Kaiwhakahaere, Fast Track Approvals (Listed Projects)  
Ministry for the Environment | Manatū Mō Te Taiao